

U G O V O R
ZA NABAVKU KOMPJUTERSKE OPREME IZ LOTA 2 ZA POTREBE USTAVNOG
SUDA BOSNE I HERCEGOVINE

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, ulica Reisa Džemaludina Čauševića 6/III, Sarajevo, koga zastupa Mirsad Čerman, predsjednik Ustavnog suda Bosne i Hercegovine, (u daljem tekstu: **Naručilac**),

i

„KAMER COMMERCE“ d.o.o., Blažujski drum br. 14, Sarajevo, koga zastupa Sead Fejzagić, direktor (u daljem tekstu: **Isporučilac**).

Član 1.

Predmet ugovora je nabavka i isporuka kompjuterske opreme iz lota 2 za potrebe Naručioca, prema definisanim uslovima iz tenderske dokumentacije broj P3-1035/17 od 3. novembra 2017. godine, ispravke tenderske dokumentacije od 14. novembra 2017. godine i prema sadržaju ponude broj 470/17 od 29. novembra 2017. godine sa kojom je Isporučilac učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

Član 2.

Cijena za nabavku iz člana 1. ovog ugovora, definisana nakon e-aukcije, iznosi 2.050,00 KM bez PDV-a, odnosno 2.398,50 KM sa PDV-om.

U cijenu su uračunati i troškovi isporuke u prostorije Naručioca - Reisa Džemaludina Čauševića 6, treći sprat, Sarajevo.

Član 3.

Isporučilac se obavezuje da će izvršiti isporuku robe u skladu sa članom 1. ovog ugovora u prostorije Naručioca, najkasnije do 29. decembra 2017. godine.

Isporučilac se obavezuje dostaviti robu Naručiocu, u traženim količinama i u dogovoreno vrijeme, kvalitete koja odgovara kvaliteti iz ponude Isporučioca.

Isporučilac se obavezuje da će isporučiti robu koja je nova i nekorištena.

Sve troškove u vezi sa dostavom po ovom ugovoru snosi Isporučilac.

Član 4.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od sedam dana po kvalitativnom i kvantitativnom prijemu robe bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Ugovorne strane mogu ugovor jednostrano raskinuti uz otkazni rok od 15 dana.

Član 6.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

Član 7.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 8.

Ovaj ugovor stupa na snagu danom potpisivanja od strane ovlaštenih lica ugovornih organa.

Član 9.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA ISPORUČIOCA



Direktor

Sarajevo, 21.12.2017
Broj: 512/17

ZA NARUČIOCA





Mirsad Ćeman
Predsjednik Ustavnog suda BiH

Sarajevo, 19.12.2017
Broj: P3-1035/17-II